



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput I. Omnis amor, & actus deliberatus, secundùm divinam Scripturam,
in Deum propter se dilectum, finaliter est ordinandus.

[urn:nbn:de:hbz:466:1-73187](#)

que appetitum à lege dedit Deus, ut inferior semper ancillaretur superiori, & superior semper dominaretur inferiori, ipsum regendo, in omnique humana operatione ipsum ad finem sibi aeternā lege praefixum dirigendo. Numquam proinde homo, humano modo agens, licet agit ob finem proprium animalis praeceps; sed semper operari debet ut homo, & Christianus ut Christianus. Ut homo, propter finem proprium hominis; ut Christianus, ob finem proprium Christiani. Quia esse, est propter operari; & tale esse, propter taliter operari. Nec unquam concessum est homini, vel Christiano, esse in operando degenerem à conditione sui esse; numquam concessum, non praefigere sibi finem, altiorem fine belluarum. Semper vitium hominis, natura est pecoris, ut Augustinus dicit.

102 Denique christianæ professionis sublimitas exigit, ut tota Christianorum vita talis sit, qualem Apostolus exigit 2. Cor. 2. *Pro omni-*

bus mortuus est Christus, ut & qui vivunt non sibi vivant, sed ei qui pro ipsi mortuus est. Ad Galat. 5. *Qui Christi sunt, carnem suam crucifixerunt, cum vitiis & concupiscentiis. Si spiritus vivimus, spiritus & ambulemus.* Rom. 8. Ergo, fratres, debitores sumus, non carni, ut secundum carnem vivamus. Si enim secundum carnem viceritis, morienni. Si autem spiritu facta carnis mortificaveritis, vivetis. Coloss. 3. *Quae sursum sunt sapientia, non quae super terram. Porro illi rei quisque vivit, quam diligit, & illi se exhibet mortuum, cuius in se mortificavit affectum.* Fulgentius lib. ad Ferrand. Diac. in respons. ad i. q. Proinde carni & carnis voluptatibus vivit, qui illas propter se diligit. Sapit proinde qua sunt super terram, sapit ea quae carnis sunt, secundum carnem vivit & sapit; carnem suam non crucifigit cum concupiscentiis suis. Cum perspicuum sit, quod carnis & concupiscentiarum ipsius propter se dilectio & satisfactio non sit earum crucifixio.

LIBER OCTAVUS.

Amor in Deum ordinandus.

Si amoris requiritur ordo, maximè ordo in debitum finem. Cum finis sit potissimum, quod in actibus moralibus attenditur, & amor propriè non sit nisi finis; & ideo Augustinus l. 4. contra Julian. c. 3. pronuntiet, *non officiis, sed finibus à virtutis discernendas esse virtutes.* Officium autem est quod faciendum est; finis vero, propter quod faciendum est. Videntur proinde, & maximè considerandum, quis sit finis, ad quem omnis amor, omnisque proinde actus humanus ordinandus est? Porro si quies anima in solo Deo sit, ut Augustinus docet epist. 55. ad qq. Januarii c. 10. finis ad quem ordinandus est amor hominis, solus est Deus; idque tanto magis esse debet persuasum, quanto validius in superioribus est demonstratum, nullam creaturam esse posse amantis hominis finem.

CAPUT I.

Omnis amor, & actus deliberatus, secundum divinam Scripturam, in Deum propter se dilectum, finaliter est ordinandus.

Argumentum primum & secundum, quibus id demonstratur.

Probatur 1. ex primo maximoque mandato: *Diliges Dominum Deum tuum ex toto corde tuo, ex tota anima tua, ex omnibus viribus tuis, &c.* Deuteron. 6. & Matth. 22. Eo namque præcipitur, ut Deum omni mo-

mento rationalis vite nostræ, actu vel virtute, propter se diligamus, nihilque extra Deum, seu nullam creaturam non propter Deum diligamus, ut ex ipso primi ipsius mandati tenore, rationeque & circumstantiis illius, necnon ex concinentibus aliis sacris testimoniis, communique doctrina Sanctorum, denso denique agmine Christianarum rationum, validè ostendimus lib. 5. c. 11. lib. 6. c. 5. 6. 7. 8. 9. 10. 11. 12. 13. 14. 15. & lib. 7. c. 2. 3. 4. 5. 6. 7. 8. 9. 10. His certè persuasus Eminentissimus Cardinalis Bona princip. vit. christ. p. 2. §. 3. "Mandatum (inquit) accepimus à Patre amandi Deum toto corde, tota anima, tota mente, ut omnem vitam & intellectum, totumque affectum divinæ dilectioni impendamus, & si quæc aliquid diligendum in mentem venerit, illuc referatur." Sanctus Thomas quoque, tum alibi, tum i. 2. q. 100. a. 10. obligationem referendi omnes actus nostros in Deum inferat ex primo mandato, dicens: *Sub precepto charitatis continetur ut diligatur Deus ex toto corde, ad quod pertinet ut omnia referantur in Deum, & ideo præceptum charitatis implere homo non potest, nisi etiam omnia referantur in Deum.*

2°. Ex omnibus sacris textibus, quibus citato lib. 6. c. 11. 12. 13. & 14. comprobata est obligatio Deum omni tempore & opere deliberato diligendi, actu vel virtute. Quibus etiam ibidem probatum est, amorem nostrum deliberatè nunquam hærere posse finaliter in creatura, sive in aliquo bono, quod non sit Deus. Inde enim perspicue conficitur, om-

P P

nem deliberatum amorem ; omnemque proinde deliberatum actum nostrum, vel debere esse finaliter amorem Dei propter se, vel inde procedere, in eumque referri.

C A P U T II.

Argumentum tertium ex Proverb. 3. In omnibus viis tuis cogita illum. Et c. 16. v. 3. Revela Domino, sen (ut Cajetanus legit) verte ad Dominum opera tua, & dirigen tur cogitationes tuae.

3 EX priori namque textu S. Thomas 2. E. 2. q. 81. a. 1. insert omnem electionem nostram in Deum assidue referendam. Posteriorem textum Salazar ibidem sic exponit, quasi dicat Spiritus sanctus : proponne tibi Dominum, tanquam finem propter quem opera tua facias, & ad debitum finem collimabunt cogitationes tuae. Quam expositionem genuinam esse dupliciter ostenditur.

1°. Quia literalis est, edificatque charitatem. Igitur secundum regulam D. Augustini l. 1. de doct. christ. c. 36. & 40. & lib. 3. cap. 10. & 15. continet sensum intentum à Spiritu sancto.

4 **2°.** Quia sensum illum suader ratio, quam Spiritus sanctus attexit in versu immediate sequenti : *Omnia propter semetipsum operatus est Dominus.* Quasi dicat (pergit Salazar) ad hoc actus nostros propter Deum operari, ad ipsumque referre debemus, ut Deum imitemur, qui omnia agit propter semetipsum, & in suam gloriam omnia destinat. Certissima namque sententia est D. Leonis Papæ serm. 1. de jejuniu decimi mensis, hominem idè ad imaginem Dei esse continuum, ut imitator sui esset Authoris. Siquidem esse ad imaginem & similitudinem Dei, est propter operari ad imaginem & similitudinem Dei. Quemadmodum ergo univerla propter semetipsum dilectum operatur Deus; sic & nos univerla propter ipsum dilectum operari debeamus.

5 Vel aliter id ipsum hoc modo Salazar ostendit : Quidquid boni agimus, id in nobis Deus per gratiam suam operatur, & principaliter operatur, ita ut non operemur, nisi sicut agentia secunda sub primo, & sicut agentia instrumentalia sub principali. Sed agens secundum agere debet secundum intentionem primi agentis, similiter & agens instrumentale agere debet sub eo ordine sub quo agit principale. Cùm igitur omne quod in nobis velut agentibus secundariis & instrumentalibus Deus operatur, operetur propter semetipsum dilectum; sicut nos conspiramus in eandem cum Deo operationem, conspirare debeamus & in eandem cum ipso intentionem, agendo & operando propter eundem finem. Argumentum istud pulcherrimo Doctoris Angelici discursu confirmatum habes lib. 7. n. 22.

C A P U T III.

Argumentum quartum ex Luca 18. Oportet semper orare, & nunquam deficere. Et i. Thessal. 5. Sine intermissione orate : hæc est enim voluntas Dei, in Christo Jesu, in omnibus vobis.

Verba ista esse præcepti, tradunt Hieronymus in lib. de virginit. servand. ad Eu stoch. Augustinus epist. 121. ad Probam c. 8. & 9. S. Thomas 2. 2. q. 83. a. 84. aliquie SS. Doctores, cum Zozimo Papa in epist. ad Episcopos Gall. ubi continua orationis necessitatē probat ex continua necessitate divini auxilii : *Quod ergo tempus intervenit, quo ejus non egeamus anxilio? In omnibus igitur actibus, casisque, cogitationibus, motibus, adiutor & protector orandas est.*

Atqui continua orationis præceptum impleri nequit, nisi per continua charitatis desiderium. Igitur charitatis desiderium in nobis debet actū vel virtute esse continuum; omnemque proinde actus & affectus nostros dirigere & informare. Ut enim S. Thomas ait loco citato, oratio in se nequit esse continua, sed in causa sua, quæ est desiderium charitatis, omnes actus nostros dirigens : *De oratione dupliciter loqui possumus. Uno modo secundum seipsum. Alio modo secundum causam suam. Causa autem orationis est desiderium charitatis, ex quo procedere debet oratio. Quod quidem in nobis debet esse continuum, vel actu, vel virtute. Manet enim virtus hujus desiderii in omnibus qua ex charitate facimus. Omnia debemus in gloriam Dei (ad eoque ex charitate) facere, ut dicitur 1. Cor. 10. secundum hoc ergo oratio debet esse continua.*

Scio quoddam facili textus continuam orationem præcipientes, non uno modo exponantur apud Bellarmimum lib. 1. de bonis operibus in partic. c. 9. sed non idem legitima non est expositiō, ordine secunda, quam ibi exhibet hisce verbis : “ Secundum alii sunt, qui semper orare, nihil aliud esse volunt, nisi mentem Deo per amorem & desiderium assidue conjungere. Ita docet Augustinus in epist. 121. ad Probam, & S. Basilius orat. in Julitam.

Juxta hanc igitur Basiliū, Augustini & Aquinatis expositionem, semper orat, in cuius pectorē continua charitas flagrat. Continua vero flagrat in te charitas, si omnia in charitate facias, gloriam Dei in omnibus intendendo. Nec hoc impossibile est. Ut enim Basilius ibid. impossibile non est rem vehementer amatam semper desiderare, ut videre est in amarotibus hujus saeculi, qui, etiam dum comedunt, bibunt, ambulant, &c. rem vehementer amatam, v. g. pecuniam, cum desiderio cogitant; immo etiam inter dormiendum cum eadem somniando versantur.

Ante Basiliū, Augustinum & Aquinatem, 10 præceptum illud assidue orationis, eodem